

ցան նոցա տալ փոխարէն Տիմիաթի : Եւ 'ի սահմանել ժամանակի՝ Հաշտութեան՝ Լատին իշխանք, որք էին Թուով իրբեւ 20, ոչ կարէին Համաձայնիլ 'ի վերայ այսոցիկ պայմանաց : Սակայն արտունջ զօրաց, որք տաղտկացեալ էին յերեսաց պատերազմի, դեգերելով յայնորիկ կողմանս զամս երկս և ամիսս ինչ. միաբանեցան ամենեքեան, եւ Մէլիք Քեամիլ յանձն առ կատարել զխնդիր նոցա տալով պատանդ զորդի իւր զՄէլիք Սալէհ, հնգետասան ամեայ. և էառ 'ի նոցանէ զիշխանն Պաղումայիդայ և զայլ : Յետ այնորիկ դումարեցաւ 'ի ժողով ընդ եղբարս և ընդ մերձաւորս իւր, և առեալ զՏիմիաթ յանձն արար Իսլամաց, և մուտ փառօք 'ի քաղաքն, և արձակեալ զիշխանս յիւրաքանչիւր տեղիս իւրեանց, դարձ արար ինքն 'ի Գահիրէ : (1222) :

Պատմի 'ի ձեռագիրս ինչ վասն Յովհաննէս վարդապետի պատահեալ 'ի ամին ժամանակի . Տէս նաեւ 'ի Պարստանիս Կերակոյի վարդապետի . Երեւ 211 : Հ . Մ . Զահէան . Հար . Գ . Երեւ 243 . 244 : Սա եկեալ յերուսաղէմ յուխտ իջեւանս լալլալ 'ի վասն Ս . Յակոբայ . եւ 'ի տօնի Յայտնութեան զնաց 'ի Յորդանան, եւ մկրտեաց զայլազգի ոմն երկու որդւովք նորին, որք էին յաշխարհէն Պարսից . յետ պատմելոյ նոցա զահաւոր տեսիլն, և բերեալ յերուսաղէմ հազորդեցոյց զնոսս 'ի կենարար Մարմնոյ և Արեան Տեառն, և ապա մեկնեալ զնացին նոքա յարեւմուտս :

Դարձեալ պատմէ նա ինքն Յովհաննէս զտեսիլ կրօնաւորի ուրումն, պատահեալ յեկեղեցւոյ Ս . Յակոբայ, յաւուրս փակակալութեան Պօղոս վարդապետի, յաւուր տօնի Աւետեաց Ս . Կուսին : Դարձեալ զնալն 40 Հայ ուխտաւորաց 'ի լեառն Սինէական, որ և ինքն Յովհաննէս էր ընդ նոսս, և իջեւանս կալեալ 'ի վասն Յունաց, եւ ապա ելին 'ի լեառն կացեալ անդ պահօք և ճշնութեամբ զաւուրս ինչ, և ապա իջին անտի ուրախութեամբ (1223) :

Տէր Աբրահամ և Տէր Առաքել վարդապետք կամ եպիսկոպոսք Հայոց ետուն կազմիլ զփայտեայ միջնադռուն եկեղեցւոյն Բեթղէհէմի մանրաքանդակ յօրինուածովք ծաղկանց և նկարիւք խաչաց, որպէս երեւի մինչեւ ցայսօր հնութեամբ իւրով : 'ի վերին կողմն միոյ փեղկին եղեալ